

Transkript sa konferencije za medije međunarodnih organizacija

OHR, Mario Brkić

EUPM, Zinaida Ilaria

EUFOR, Karen Halsey

OHR

Direkcija za reformu policije treba naći rješenje koje ispunjava tri principa EK

U proteklim danima bilo je nekih rasprava o reformi policije i radu Direkcije. Sljedeći sastanak Direkcije planiran je za sutra.

Težiste rasprave na sastanku Direkcije za reformu policije je o prvom principu koji glasi da sve zakonodavne i budžetske nadležnosti za sva pitanja policije moraju se nalaziti na državnom nivou. Važno je da javnost u BiH razumije što to znači:

Prvi princip znači da će samo država, Parlamentarna skupština BiH, usvajati zakone za sva pitanja vezana za policiju u BiH bez mogućnosti postojanja entitetskih ili kantonalnih zakona vezanih za policijske poslove.

Također, samo će država usvajati budžet za sva pitanja policije, a sva policijska tijela će biti financirana putem ovog budžeta. Ovo znači da entitetska i kantonalna razina više neće biti nadležni da usvajaju budžete za policiju.

Ukoliko policija želi biti učinkovita u borbi protiv kriminala u BiH te ukoliko BiH želi biti učinkovit partner u

medjunarodnoj borbi protiv kriminala onda se važnost ove reforme ne smije potcijeniti. OHR je uvjeren da se unutar Direkcije može pronaći rješenje koje poštuje tri principa Europske komisije.

Bh. političari su odgovorni pred bh. glasačima

Građani Bosne i Hercegovine brinu o svojim problemima i to čine u kontekstu političke stabilizacije i oporavka privrede, su riječi koje će viši zamjenik visokog predstavnika Peter Bac-Backer reći na prvoj interparlamentarnoj sjednici Evropske unije i BiH danas popodne u Banja Luci.

Ambasador Bas-Backer će naglasiti, kao što je to i visoki predstavnik naglasio 18. aprila u svom govoru pred Vijećem sigurnosti Ujedinjenih nacija, da će bh. političari, kako Bosna i Hercegovina bude mijenjala Daytonsku strukturu u strukturu koja je uspostavljena i pripada Bosni i Hercegovini, orijentiranu prema evroatlantskim strukturama, nositi punu težinu političke odgovornosti. Međunarodna zajednica neće više postupati kao alternativni nosilac vlasti.

Ambasador Bas. Backer će naglasiti –citiram- da «Samo u proteklih nekoliko dana Parlament Bosne i Hercegovine nije prihvatio paket ustavnih promjena sa malom razlikom glasova i nakon mjeseci detaljne i konstruktivne diskusije, a te promjene bi omogućile vlastima Bosne i Hercegovine da efikasnije služe građanima i takođe bi omogućile zemlji da ispuni zahtjeve integracije u Evropsku uniju, a posebno veoma jake zahtjeve u polju zakonodavstva. Međunarodna zajednica se čvrsto zalagala i jednoglasno govorila u prilog ustavnih amandmana. Međunarodna zajednica je spremna da pruži pomoć kada se bude ponovo raspravljalo o ustavnim reformama, a to pitanje se mora riješiti ako Bosna i Hercegovina želi da krene dalje i brže putem ka evropskim integracijama. Sada je na građanima BiH da razmotre novu situaciju i donesu svoj sud o tome kako su njihovi politički predstavnici postupili prema ustavnim i drugim reformama te da svoje mišljenje iskažu na

izborima. To je pitanje odgovornost.»

Puni tekst govora ambasadora Bas-Backera će biti dostupan kasnije u toku dana na OHR-ovoj web stranici.

EUPM

EUPM izražava veliko zadovoljstvo što je došlo do prvog rješavanja krivičnog djela zahvaljujući pozivu jednog građanina u okviru TV emisije "Neriješen slučaj".

Reagujući po primljenoj informaciji, članovi dobojske policijske stanice su 26. aprila uhapsili A.H. u Kotorskom. A.H. se nalazio na INTERPOL-ovoj potjernici kao osumnjičeni za ubistvo počinjeno 1997. u Sloveniji.

"Ovo je jasan primjer da je aktivno učešće građana u TV emisiji Neriješen slučaj od presudne važnosti i njihova saradnja sa lokalnom policijom može dovesti do hapšenja počinitelja krivičnih djela" rekao je brigadni general Vincenzo Kopola (Vincenzo Coppola) šef misije EUPM-a.

EUPM je došao na ideju da se u BiH realizuje TV emisija "Neriješen slučaj". Emisija je po prvi put emitovana 5. oktobra 2005. na BHT1 uz finansijsku pomoć Ambasade Velike Britanije. "Neriješen slučaj" se emituje jednom mjesečno (srijedom) na BHT1.

"Želio bih iskoristiti ovu priliku da pozovem građane Bosne i Hercegovine da raspoloživim podacima aktivno pomognu policiji u rasvjetljavanju zločina. Građani mogu pozvati besplatni telefonski broj Krimolovci 0800 020 505 te pruže određenu informaciju i pri tom ostanu potpuno anonimni" podsjeća general Kopola.

Sljedeće izdanje TV emisije Neriješen slučaj će biti emitovano u srijedu 3. maja na BHT1.

EUFOR

Nije bilo izjava.